

百關調泰無災無害門迎駟馬之榮多慶多
 祥家衍五龍之盛詩書奕奕著絃輝輝蒙如
 丹禱之陳允拜玄恩之被上願儀璿煥耀經
 緯輝華河洛呈祥山林肅晏慶金瓯於地紀
 益固皇基調玉燭於天綱克承景運絕鼠竊
 於四鄙息狼燧於三邊戾天躍淵咸達道遠
 之境耕雲釣月疾超清淨之鄉則上明
 天尊大應之化下副臣等懇禱之誠謹啓以
 聞

發願

- 一願大道流行溥天懷德
- 二願一切有生咸悟道
- 三願九夜悲魂一時解脫
- 四願孤魂無依咸得受生
- 五願天下太平五穀豐熟
- 六願臣忠子孝君仁父慈
- 七願四海會同冤親和釋
- 八願潛胞處卵咸得生成
- 九願積疾新痾旋即痊愈
- 十願孤寡眾生豐衣足食

存神燒香

香官使者左右龍虎君侍香諸靈官當令臣
 晚朝行道之所自然生金液丹碧之英百靈
 衆真交會在此香火爐前令臣學道得道求
 仙得仙齊官受福幽顯露恩十方仙童玉女
 接侍蘭煙傳下臣向來所啓之誠速達徑御
 太上元極大道至真玉皇上帝御前

出堂頌

引至幕

謝師

靈寶領教濟度金書卷之二百九

靈寶領教濟度金書卷之二百十 下

洞微高士開光救苦真人竊金真校
 靈寶通玄私教水南先生林靈真編

科儀立成品資信
 天醫照儀再用

步虛 灑淨

衛靈呪

五星列照 煥明五方 水星却災 木德致昌

焚惑消禍 太白辟兵 鎮星四據 家國利亨

名判玉簡 字錄帝房 乘風散景 飛騰太空

出入冥無 遊宴十方 五雲浮蓋 招神攝風

役使萬靈 上衛仙翁 和與道合真

請稱法位

具位某某謹焚香上啓

上清天醫使真君天醫尚藥靈官主辨形候

靈官隨病製藥下靈官修合煅煉仙官生形博

士復肌主者治病功曹收毒將軍三五功曹

敷藥靈官察藥論病靈官請藥療病靈官砭

石小吏扁鵲小吏採藥童子醫脈十三科五

十二天醫靈官一行官吏伏望威聰俯垂省

錄伏開德配玄黃仰神功之妙密道恭經緯
瞻聖力以昭融惟陰陽和合以收勳斯表裏
和平而奉劾六淫外感騰疹悉於本根五賊
內攻集災氛於身命非藉扶持之力曷符歸
載之私今有其志深災危身惟疾患建寶壽
而微福期逐康寧修玉醴以首愆密膺吉慶
靖惟陶冶悉屬鈞衡敢殫芹采之忱庸寓恭
傾之敬伏願翩翩雲駕莅玄壇肅肅風駢
來游丹幕少暨再三之禱式符萬一之私其
無任激切望恩之至謹稽首奉請

請聖 初獻

具位某謹焚香上啓

上清天醫使真君天醫尚藥靈官主辨形候
靈官天醫院一行官吏伏聞靈虛仙曹職生
生之聖德混沌玄局贊化之神機凡災兆
於地水火風則功圓於金石草木仰惟博愛
實本同仁劍珮雍容贊春生於圓昊弁環赫
奕扶秋殺於方垓返還備而雲繞丹瓢加減
彰而煙凝陽鼎或春或磨黃芽白雪之英若
劉若節玄藥紫霜之妙餌乃圭而沉痾頑愈

服鍊黍而宿疾俱消凡密運於靈威必潛彰
於奇効今有其伏牀彌月拊枕呼天六府九
官偶感召於診蒸三部九候遂顛倒於災氛
精神凋瘵以日零經絡衰殘而風動執伸手
援惟劇心寒庸敢禱於虎關爰徵期於風馭
希垂妙劑為復生根庶全康泰之功允佩慈
悲之造某不勝激切之至禮行亞獻

亞獻

具位某謹焚香上啓

上清天醫使真君天醫尚藥靈官天醫院一
行官吏咸望洪慈俯垂洞鑒伏聞上聖垂慈
育百昌而布惠下愚獲德扶二炁以資生雖
湯膏丸散之性味有殊而針砭烙灸之施為
各異四方異俗五土殊風非憑聖藥之神奇
曷滌深殃之變化今齋主某等聞一疾綿歷
經旬却藥謝醫省宿瑕之未滌首愆懺過希
積垢之方除故徽神聖以來臨希布靈通之
拯濟欲望靡施應感密運感靈關囊中玄妙
之傳先分端緒探肘後希夷之授火辨根源
為調理其百關俾和平其萬竅治保以燥胎

燥以隱疾收勿藥之功療寒以熱療熱以寒
速證理生之妙昭玉醴金津而確味漱靈芝
甘露以鋪飴即使其炁悉還元育靈根於步
武形形返本養妙悉於精神行住坐卧以無
虞出入起居而有慶上昭帝覲下慰民情實
資化育之恩不負維持之力某無任激切之
至酒陳終獻

終獻

具謹焚香上啓

上清天醫使真君天醫尚藥靈官主辨形候
靈官天醫院一行官將伏聞建班聯而贊化
帝渥羅敷彈精授以祈羗民情狹穆疾痛既
于於仙職功勳宜賴於靈曹以今香冷金稅
韻殘玉簾三獻之多儀告備一忱之庸敬克
孚願施瞑眩之功為整頓躋之證款留玄幕
曲副丹忱齋事周圓別當奉送
向來頌
設醮儀 資補 講用
燒香頌
各禮師存念如法

衛靈呪

五星列照 煥明五方 水星却災 木德致昌
 榮感消禍 太白辟兵 鎮星四據 家國利亨
 名利玉簡 字錄帝房 乘風散景 飛騰太空
 出入冥無 遊宴十方 五雲浮蓋 招神攝風
 役使萬靈 上衛仙翁 和與道合真

鳴法鼓二十四通

无上三天玄元始三炁太上老君召出臣等
 身中三五功曹左右官使者侍香金童傳言
 散花玉女五帝直符直日香官各三十二人
 出出者嚴裝關啓玄壇天帝神君當召此間
 土地里域真官正神急上關啓臣今奉為入
 查以今設醮行道願得
 玉清道炁靈寶妙光下降流入臣等身中即
 使玄壇清淨內外成具天无氛穢地絕秋塵
 琳琅振響十方肅清萬魔不干真誠上徹令
 臣所啓之誠速達徑御
 太上无極大道至真玉皇上帝 御前
 請稱法位
 具位臣某謹同誠上啓

太上无極大道虛无自然元始天尊太上大
 道君太上老君玉皇大天尊玄穹高上帝北
 極紫微大帝太微天皇大帝南極長生大帝
 東極青華大帝后土皇地祇九天生神上帝
 三十二天上帝五靈五老上帝上清十一雅
 真皇君南斗六司真君北斗九皇真君二十
 八宿星君三台華蓋星君六十甲子本命星
 君泰玄樞機諸相真君靈寶五師真君天地
 水府三官帝君北極四聖真君九天諸司真
 君三洞經籙上聖高真諸省府院司仙真將
 吏五嶽五帝真君五天聖帝洞天福地靖塵
 治化主宰仙真本靖粗玄真師列位真人經
 籍度師列位真人北陰玄天酆都大帝水府
 扶桑大帝九聖土皇君十宮六洞四瀆四海
 仙真聖衆本府州縣城隍司主者營境土地
 里域正神本家司命禁將六神三界應感一
 切真靈臣聞玄樞密運鼓元炁以奠鴻鈞聖
 慈潛張散靈功而莫驚極融太虛之至粹為
 妙有之真精下御黃輿上浮蒼蓋洪纖小大
 悉皈化育之仁幽顯升沉不離生成之內範

園所枝陶治無違今齋主某激切投誠勤奉
 請命六淫外襲覺形炁之支離五鑿內攻恍
 形神之凋瘵匪賴紫虛之聖力曷流玄極之
 神功爰潔蓬茅期聖真於月陞茲崇頌藻緝
 仙靈於星壇虔奉靈符敢陳滄滄祭伏願靈光
 洞燠炁蒸彌羅綠輦丹輿容與玄虛而莅止
 瓊輪羽蓋徘徊碧落以遙臨會六合之雲龍
 混十華之月駟諸天日監萬聖時款不遺來
 菲之私恪副傾葵之切臣無任瞻
 天望聖激切屏營之至謹稽首再拜奏請
 請聖
 三界衆真醮筵列聖通伸拜請諒沐光臨請
 各整於仙班共秋迎於
 帝馭
 降九真
 寶輿至止鶴駕臨軒與醮衆真如儀朝禮朝
 禮既周藉陸曠席齋士上香設拜初進酒
 初獻
 重稱法位
 具位臣某謹重誠上啓

三清上聖十極高真玄虛之主宰仙僚洞府之神靈主執三界內外一切聖衆巨闡陽經陰緯皆素備於九清地紀天綱悉權衡於三洞自清微啓慈雲之蔭故赤明霽膏雨之濡日月星辰總上玄而制天政山川嶽瀆司下

土以衛地章普承德以宣符為布恩而地志況得一稟五行之秀而並三為萬物之靈語默寢興靈絲道系視聽言動夙被神光孰非帝師之扶持皆出聖真之主宰凡伸控額必沐矜憐今齋主某柑枕時天伏牀彌月經絡榮衛沾滲悉以纏綿鬼魅精神抱沉痾而困躄藥籠彈岐黃之伎梓里窮巫祝之能內因外因執究神聖工巧之實表證稟證誰明湯膏丸散之良寄性命於異塗凋形神於危境崇朝三省待旦九思深慮業鎖玄關過盈黑簡或背細常而違科禁或蕩名檢而慢神靈致二豎之潛攻與三彭之密誑釀成病證莫遠良圖或威曜臨纏運限受災衰之照或邪祇侵舍身家膺尅害之殃欲期下安於黃圖惟合上依於紫禁爰崇藥範恭行芝科燒香

散花扣天關而露奉轉經行道劫地祇以風行降三色混沌之光掃四時紛葩之悉茲參朝之禮單庸薦獻之誠殫華陋自慚芻蕘可鑿騰詞青橫流筆朱毫恭對清崇謹當宣奏

宣詞

按如詞目備切忱恂恭獲非馨露寸天而控告茅茨不剪掃尺地以銷張願旌萬一之忱恪致再三之禱珠彝泛玉伶華教梵唱之音翠聲流金符寶耀空歌之韻舞天花而散漫廓神景以彌羅俯錄凡誠仰希聖鑒臣無任虔切之至謹稽首再拜禮行亞獻

亞獻

具位巨某謹重誠上啓
三清上聖十極高真玄虛之主宰仙僚洞府之神靈主執三界內外一切聖衆巨闡玉毫微景慈光覆九有之遙金相流輝威耀燭八遐之大居妙度而無幽不察御大有而有感斯通今齋主某疾疾弗瘳形容易瘁肺病證治既難策於奇勳針砭陽膏復莫收於俊績春屬感頌以相告閭里寒心而露言病亦危

或局露萬千之懸橋也久矣更憶再三之誠伏願啟其前愆錫其後祉續龜齡於已絕衍鶴算於將終勅南辰延壽之司移名青簡宣北斗度生之府定字丹籙差降天醫功曹關告尚藥神吏金芝定命神功高邁於九運玉

液延年聖効潛符於七返即使其六脉調泰五炁宣平精神曉萬竅之華誠府運本容止調百關之秀炁血還元俾積恙以無憂庶新釐而可轄其或計羅刑戰火宇闡衝或加臨於二宮或守照於三限致成災患併為槍擗俾言曜而進宮使凶星而退舍其或魔靈覓厲林怪祠杖或招惡炁於戶庭或兆災氣於宅舍仰祈聖力廣運神威命九天尚父之將軍整備部伍勅五丁都司之神吏統領壘營悉誅戮以無停俾腥毒以遠迤庶得齋主某生根山聳命蒂冰消萬善資扶極出入起居而無繞千災消散凝視聽言動以俱安靜於時之惟聲茂八節之和祉蒙如丹禱仰神玄恩上頌天圓高澄地方晏靜儀璘耀彩瓊璣呈輝商雲開陽燧之車天昭瑞應醴泉映方

諸之駕地擁祥符教詩禮於九圍集結歌於
八極靈飛魚躍彰盛世之泰和歌舞風儀
昌時之允洽凡厥化化悉賴生生 臣無任懇
祈之至謹稽首再拜酒行終獻

終獻

具位 臣某謹重誠上啓

三清上聖十極高真玄虛之主宰仙僚洞府
之神靈主執三界內外一切聖衆臣聞應天
以實敢違咫尺之威扣地無文借靈稟練之
敬懇禱祝交於隱顯敷陳嘉頓於始終純敬
有嚴蕃釐元敷以令瓊鐘息響雙曆收聲千
枝殘燄於銀缸百和散芳於瑤鼎河澄月淡
斗轉參橫絲露後先諒龍舉之願動紫煙上
下宜鳳輦之徘徊萬聖迴班請天復位臣等
身辭聖陸足履塵關徒覽法從之華莫企靈
光之耀臣無任攀戀之至謹稽首再拜奉送
高真

復爐

迴辨頌

向來

靈寶頌教濟度金書卷之二百十

靈寶頌教濟度金書卷之二百十一 二百十二
二百十三

洞微高士開光啟苦真人某金真

靈寶通玄仙教水南先生林某真

科儀立成品 禮用

早朝行道儀

啓堂頌

各禮師存念如法

宣衛靈呪

晨精朗耀紫煙御空 星壇煥映變化雲官
日麗月兔離坎異中 金真肅命 神虎辟邪
吉日行事 八威鼓從 玉華敷羅 徘徊飛虹
天光下照 道炁豐隆 含靈普濟 流慶無窮

鳴法鼓二十四通

發爐

无上三天九皇玉帝當召九皇靈官飛龍騎
吏綉衣使者三炁正神急上關啓玄壇土地
方域神真 今早朝隆壇行道謹奉焉 入京
其諸丹烟已錄奏聞願得
元皇正炁來合 身今 所啓速達徑御
至真无極大道

中天二大尊帝

九皇玉宸道君 神前

請稱法位

具位奉行玄靈璇璣齋法事小兆 某與
臨壇官衆等謹同誠上啓

斗極祖師洞真大道元始天尊斗極宗師洞
玄大道太上道君斗極真師洞神大道太上
老君玉皇大天尊玄穹高上帝斗中之尊天
皇大帝斗中之主紫微大帝北斗高上玉皇
尊帝君太微玉帝玄卿大帝君北斗太尉陽
明會後玉晨君北斗上宰陰精巨門玉晨君
北斗司空真人錄存玉晨君北斗遊擊玄冥
文曲玉晨君北斗斗君丹元廉貞玉晨君北
斗太常北極武曲玉晨君北斗上帝天關破
軍玉晨君北斗玉帝洞明外輔玉晨君北斗
帝真隱元內弼玉晨君斗中天罡萬真節度
奎光帝君北斗九皇夫人九陰內妃三台華
蓋星君三官五帝九府四司斗中道德諸君
无鞅聖君六十甲子本命星君玄中大法師
三天大法師實上真人二仙使者九宮官屬